

**JAVNI POZIV ZA PODRŠKU ZAPOŠLJAVANJU,
SAMOZAPOŠLJAVANJU I RAZVOJU START-UP
PREDUZEĆA - “PRILIKA ZA RAZVOJ BIZNISA”**



Projekat “Socio-ekonomska inkluzija u Brčko distriktu BiH” (SEI) finansira Vlada Republike Češke, a implementiraju CARE International Balkans i Razvojno-garantni fond Brčko distrikta BiH (RGFBD).



SADRŽAJ

O SEI PROJEKTU.....	2
Opis Javnog poziva.....	3
Šta se nudi kroz program?.....	4
Ograničenja korištenja finansijske podrške.....	5
UČEŠĆE U JAVNOM POZIVU.....	6
BODOVANJE APLIKACIJA.....	6
NAČIN ODABIRA I DODJELE SREDSTAVA.....	10
UGOVOR SA ODABRANIM KORISNICIMA GRANTA.....	10
PODNOŠENJE PRIJAVA ZA UČEŠĆE U JAVNOM POZIVU.....	11
VREMENSKI OKVIR REALIZACIJE JAVNOG POZIVA.....	12

Napomena: U daljem tekstu Javnog poziva pojedini izrazi u muškom ili ženskom rodu, upotrebljeni su neutralno i odnose se na muška i ženska lica.

O SEI PROJEKTU

SEI ima za cilj da odgovori na izazove koji su vezani za povoljnije okruženje za socio-ekonomsko uključivanje marginalizovanih grupa¹ i to kroz stvaranje mogućnosti za zapošljavanje, preduzetništvo za nezaposlene i povećanje nivoa vještina koje odgovaraju postojećim mogućnostima zapošljavanja. CARE i partneri će blisko sarađivati sa institucionalnim zainteresovanim stranama i nevladinim akterima na predlaganju i implementaciji mjera koje će se baviti pitanjima i preprekama za socio-ekonomsku inkluziju, kroz uspostavljanje Centra za socio-ekonomsku inkluziju. Cilj je stvoriti nova radna mjesta uz povezivanje svih aktera u lancu vrijednosti kroz savjetodavnu i finansijsku podršku startup-ima početnicima, postojećim preduzećima i nezaposlenim marginalizovanim osobama.

Inicijalna procjena o socio-ekonomskoj situaciji u Brčko distriktu je prikupljena analizom dostupne dokumentacije i izvještaja međunarodnih međuvladinih agencija, domaćih institucija i statističkih agencija, te intervju sa partnerima i organizacijama koje predstavljaju ili rade sa marginalizovanim grupama u Brčko distriktu. Prema inicijalnim procjenama, marginalizovane grupe stanovništva i pojedinci koji se suočavaju sa ranjivostima zbog svog pola, rase, seksualne orijentacije, fizičkih sposobnosti i socijalnog statusa su u većoj opasnosti da zapadnu u siromaštvo zbog predrasuda i društvenih normi u društvu, kao i nedostatka senzibiliteta i fizičkog, administrativnog i socijalnog statusa. Na primjer, Romi, se susreću sa brojnim izazovima za socijalno uključivanje. Prema podacima romskih nevladinih organizacija, otprilike 1,35% romske populacije je zaposleno. Druga grupa stanovništva koja se suočava ne samo sa društvenim izazovima, već i sa fizičkim preprekama kada je u pitanju njihova socijalna uključenost i zapošljavanje su osobe sa invaliditetom (OSI) su takođe ciljna grupa projekta. Nadalje, žene, posebno one koje dolaze iz marginalizovanih grupa, su u nepovoljnom položaju u pogledu zapošljavanja, a zadnji podaci govore da je preko 60% nezaposlenih iz kategorije žena. Projekat će posebnu pažnju posvetiti i mladima zbog sve većeg trenda emigracije i odliva ove populacije domicilnog stanovništva.

Osnovni postavljene rezultati projekta su:

¹ S obzirom, i imajući u vidu heterogenost marginalizovanih i ranjivih grupa, pri čemu svaka od njih ima specifične probleme i potrebe, SEI Projekat posebnu pažnju pridaje sljedećim kategorijama stanovništva: žene, mladi, osobe sa poteškoćama u razvoju / osobe sa invaliditetom, pripadnici Romske nacionalne manjine, te dugoročno nezaposlene osobe.

- **Rezultat 1** – Ugrožene i ranjive populacije Brčko distrikta su povećale svoje kapacitete za zapošljavanje i poznavanje prava, kroz obuke sprovedene kroz projekat i podizanje svijesti;
- **Rezultat 2** – Povećanje kapaciteta, vještina i mogućnosti zapošljavanja za nezaposlene građane i otvaranje novih radnih mjesta za ugrožene i ugrožene grupe, kroz projektnu finansijsku i tehničku podršku.

Osnovne usluge novoformiranog Centra za socio-ekonomsku inkluziju su:

- **Psiho-socijalna podrška** - Pružanje podrške kroz individualni i grupni rad sa korisnicima, odnosno ciljnim grupama projekta što olakšava pristup uslugama, kako SEI, tako i drugih institucionalnih oblika podrške ugroženim građanima Brčko distrikta BiH.
- **Poslovni inkubator** - Poslovni inkubator je dio preduzetničke infrastrukture koji se nalazi na adresi M. Malića i I. Džindića br. 4 u Brčko distriktu BiH (SEI Centar) i omogućava poslovanje minimalno 10 fizičkih ili pravnih lica, a koji će biti dodatno podržan kroz rad SEI Centra.
- **Podrška za zapošljavanje i samozapošljavanje** - Pružanje podrške kroz obuke, grantove, savjetovanje i tehničku pomoć olakšava socijalno ugroženim osobama da započnu ili prošire svoje poslovanje, što doprinosi njihovoj ekonomskoj stabilnosti i inkluziji.
- **Obrazovanje i stručno usavršavanje** - SEI će pružati obrazovne programe i stručne obuke koje povećavaju kapacitete i vještine socijalno ugroženih osoba, što im omogućava lakši pristup zapošljavanju ili samozapošljavanju.
- **Informisanje i osvještavanje** - SEI će provoditi kampanje informisanja i osvještavanja o dostupnim uslugama i podršci socijalno ugroženim osobama da bolje iskoriste resurse koji su im na raspolaganju.
- **Inkluzivnost i pristupačnost** - Uklanjanje arhitektonskih barijera i prilagođavanje javnih prostora omogućava osobama s invaliditetom jednak pristup obrazovanju, zdravstvenim uslugama i zapošljavanju.

Shodno navedenom, SEI raspisuje Javni poziv za podršku zapošljavanju, samozapošljavanju i razvoju start-up preduzeća - “Prilika za razvoj biznisa”

Opis Javnog poziva

Podrška za zapošljavanje, samozapošljavanje i razvoj start-up preduzeća² je namijenjena ekonomskom razvoju Brčko distrikta BiH i osnovni cilj podrške za zapošljavanje, samozapošljavanje i razvoj start-up preduzeća u Brčko distriktu BiH je podsticanje ekonomskog razvoja regije kroz stvaranje **novih radnih mjesta**,

² Start-up preduzeće, u smislu ovog Javnog poziva, smatra se: pravno lice koje je registrovano u periodu kraćem od 3 godine do dana objave Javnog poziva, koje se nalazi u ranoj fazi razvoja poslovanja, još uvijek nije ostvarilo stabilan tržišni položaj i nema više od 10 zaposlenih u bilo kojem trenutku od osnivanja.

promociju preduzetničkog duha i podršku inovativnim poslovnim idejama, posebno kod marginalizovanih kategorija stanovništva. Finansijska podrška omogućava nezaposlenim licima, mladim preduzetnicima i start-up preduzećima da pokrenu ili unaprijede svoje poslovanje putem finansijske pomoći, obuke i stručne podrške. Podrška ima za cilj da smanji stopu nezaposlenosti, poveća broj mikro, malih i srednjih preduzeća, te doprinese razvoju lokalne ekonomije kroz održive i konkurentne poslovne inicijative. Na ovaj način, Brčko distrikt BiH postaje atraktivnije okruženje za preduzetnike, otvara nove mogućnosti za inovacije, te jača privrednu i socijalnu stabilnost zajednice.

Imajući u vidu heterogenost marginalizovanih i ranjivih grupa, pri čemu svaka od njih ima specifične probleme i potrebe, projekat SEI posebnu pažnju pridaje sljedećim kategorijama stanovništva i to: žene, mladi, osobe sa poteškoćama u razvoju, osobe sa invaliditetom, pripadnici romske nacionalne manjine, te dugoročno nezaposlene osobe.

Ukupna vrijednost ovog Javnog poziva iznosi 55.000,00 EUR u protuvrijednosti u KM na dan prenosa sredstava. Vrijednost pojedinačnih grantova je maksimalno 5.000,00 EUR u protuvrijednosti u KM (bez uključenog PDV-a), pri čemu PDV na nabavke realizovane kroz ovaj Javni poziv sufinansirana donator.

Dio navedenih sredstava biće namijenjen korisnicima iz prethodnog Javnog poziva koji iz objektivnih razloga nisu u potpunosti ili su djelimično realizovali odobrene nabavke u definisanom roku, što će pojedinačno biti razmotreno od strane Komisije, prema smjernicama zaprimljenim od strane donatora.

Odabrani aplikanti koji nisu prošli obuku za izradu poslovnog plana, obavezni su da prisustvuju istoj, te s tim u vezi dostave poslovne planove koji postaju dopuna aplikacije i prilog kasnijeg ugovora o dodjeli granta. Odabrani aplikanti su takođe u obavezi da aktivno učestvuju u procesu realizacije nabavki koje će sprovesti RGFBD u ime odabranih aplikanata.

Šta se nudi kroz program?

1. Nabavka opreme i osnovnih sredstava³

- Mašine, alati i oprema neophodni za obavljanje registrovane djelatnosti.
- Kancelarijska i računarska oprema, softverska rješenja potrebna za poslovanje.
- Troškovi nabavke fiskalnog uređaja ukoliko je u pitanju novoosnovano pravno lice.

³ Sredstva dodijeljena kroz ovaj Javni poziv predviđena su prvenstveno za nabavku nove opreme i osnovnih sredstava. Nabavka polovne opreme i sredstava dozvoljena je isključivo u izuzetnim situacijama, uz jasno obrazloženje, te nakon pismenog odobrenja od strane donatora.

- Specijalizovana oprema za osobe sa invaliditetom radi olakšavanja njihovog uključivanja u rad.

2. Podrška inovacijama, zelenoj ekonomiji i inicijativama za digitalizacijulnovacije i unapređenje poslovanja

- Uvođenje novih tehnologija ili digitalnih rješenja koja poboljšavaju efikasnost i konkurentnost.
- Podrška za razvoj inovativnih proizvoda i usluga, naročito u pogledu ekološki prihvatljivijih rješenja.

3. Uređenje i adaptacija poslovnog prostora

- Troškovi uklanjanja arhitektonskih barijera i/ili prilagođavanje poslovnog prostora osobama sa invaliditetom.

4. Marketinške aktivnosti

- Izrada web-stranice, grafički dizajn promotivnog materijala (flajeri, brošure, vizitke) i sl.

5. Edukacija, stručna usavršavanja i sticanje sertifikata

- Obuke i edukacije potrebne za obavljanje djelatnosti (uključujući licenciranje i sticanje stručnih sertifikata).

Ograničenja korištenja finansijske podrške

Finansijska sredstva ne mogu se koristiti za pokrivanje troškova:

- Plata zaposlenih, poreza, doprinosa i drugih ličnih primanja;
- Otplate dugovanja, kamata, kazni ili obaveza nastalih prije odobravanja sredstava;
- Troškova reprezentacije, marketing aktivnosti koje nisu povezane sa registrovanom djelatnošću, kao i troškova robe ili usluga koje nisu direktno povezane sa poslovnom djelatnošću definisanom u odobrenom poslovnom planu;
- Troškove koji nisu komplementarni sa vrijednostima i politikama donatora.

Finansijska podrška neće biti odobrena aplikantima koji su već ostvarili podršku za iste aktivnosti ili troškove od strane drugih donatora ili izvora finansiranja.
Napomena: *Korisnik, prije potpisivanja ugovora, je obavezan dostaviti izjavu kojom*

garantuje da nije primio niti aplicirao za finansijska sredstva za iste namjene iz drugog izvora.

Ukoliko se tokom evaluacije utvrdi da aplikant koristi ili je već koristio finansijsku podršku od strane CARE-a, RGFBD-a, ili je od drugih donatora koristio podršku za iste ili slične troškove, njegova prijava biće diskvalifikovana, odnosno ugovor raskinut uz pokretanje klauzule o povratu dodijeljenih sredstava donatoru.

Sredstva dobijena kroz ovaj javni poziv moraju biti jasno namjenski usmjerena na aktivnosti i troškove navedene u odobrenom poslovnom planu. Svaka prenamjena sredstava ili odstupanje od odobrenog plana, bez saglasnosti donatora, dovodi do obustave podrške i obaveze povrata dodijeljenih sredstava donatoru.

UČEŠĆE U JAVNOM POZIVU

Učešće u Javnom pozivu mogu uzeti pravna lica koja ispunjavaju sljedeće uslove:

- Da je registrovan u skladu sa Zakonom o registraciji poslovnih subjekata u Brčko distriktu BiH („Službeni glasnik Brčko distrikta BiH“ broj: 11/20), registrovao privredno društvo kao samostalni preduzetnik (u daljem tekstu: s.p.) ili kao društvo sa ograničenom odgovornošću (u daljem tekstu: d.o.o.) koje je osnovano u zadnjih 36 mjeseci do dana objavljivanja Javnog poziva, ili
- Da je aplikant u postupku registracije s.p. ili d.o.o. za vrijeme trajanja javnog poziva.
- Da djelatnost subjekta upisa aplikanta nije registrovana za proizvodnju ili trgovinu alkohola, duhana, igre na sreću ili drugih djelatnosti koje nisu prihvatljive od strane donatora i implementatora.

Takođe, učešće u Javnom pozivu mogu uzeti i fizička lica koja planiraju registrovati poslovanje u roku od mjesec dana od dana potpisivanja ugovora o dodjeli granta.

BODOVANJE APLIKACIJA

Odabir aplikanata po ovom Javnom pozivu vršiće se u skladu sa sljedećim kriterijumima:

- **Uticaj na marginalizovane grupe stanovništva.**
 - Aplikant jasno navodi da li će izvršiti zapošljavanje i koliki broj osoba iz marginalizovanih grupa stanovništva.
 - Ukoliko aplikant vrši samozapošljavanje, to se takođe računa kao jedno novo zapošljavanje.
 - Aplikant u svojoj aplikaciji može navesti da neće izvršiti novo zapošljavanje ali će doprinijeti dodatnom zapošljavanju osoba iz marginalizovanih kategorija. Takođe, aplikant, pored novog zapošljavanja iz prethodne dvije tačke, može doprinijeti dodatnom zapošljavanju osoba iz marginalizovanih kategorija. Sve navedeno

potrebno je jasno obrazložiti u aplikaciji.

- **Kriterijum usklađenosti sa strateškim dokumentima Brčko distrikta BiH** podrazumijeva vrednovanje koliko jasno predložena djelatnost ili poslovna ideja aplikanta doprinosi ostvarenju prioriteta definisanih Strategijom razvoja Brčko distrikta BiH ili drugim sektorskim strategijama usvojenim na nivou Distrikta. Veći broj bodova ostvariće aplikanti čije djelatnosti ili poslovne ideje direktno i jasno doprinose realizaciji više mjera ili prioriteta iz postojećih strategija. Potencijalni doprinos realizaciji makar jedne strateške mjere takođe se vrednuje, ali s manjim brojem bodova. Posebno će biti vrednovane djelatnosti i poslovne ideje koje su jasno usklađene sa više različitih strategija, čime se dodatno potvrđuje njihova relevantnost za razvoj Distrikta. Svi navodi moraju biti jasno navedeni, s konciznim prioritetima i mjerama na koje se aplikant referiše. Nejasni ili nepotpuni navodi neće biti uzeti u razmatranje.
- **Dodatni društveni kriterijum** predstavlja kriterijum prema kojem aplikanti mogu ostvariti dodatne bodove ukoliko pripadaju ranjivim i teško zapošljivim grupama stanovništva ili doprinose njihovom zapošljavanju. Posebna se pažnja daje osobama s fizičkim ili intelektualnim smetnjama, mladima i ženama, pripadnicima romske nacionalne manjine ili licima koja spadaju u kategoriju teško zapošljivih lica prema kriterijumima Zavoda za zapošljavanje Brčko distrikta BiH. Dodatni bodovi mogu biti dodijeljeni i aplikantima koji u okviru svog postojećeg poslovanja već zapošljavaju osobe s fizičkim ili intelektualnim smetnjama, čime direktno doprinose njihovoj socio-ekonomskoj inkluziji.
- **Ekološki kriterijum** ocjenjuje u kojoj mjeri predložena djelatnost ili poslovna ideja pozitivno utiče na zaštitu i očuvanje životne sredine. Najviše dodatnih bodova dobiće aplikanti čije djelatnosti ili ideje značajno doprinose ekološkoj održivosti, smanjenju zagađenja i očuvanju prirodnih resursa. Manji broj bodova pripada djelimičnom doprinosu, dok će se potencijalna mogućnost prilagođavanja djelatnosti ili ideje ekološkim principima takođe bodovati, ali u manjoj mjeri. Posebno će biti vrednovane djelatnosti koje se jasno pozivaju i usklađuju sa Strategijom zaštite životne sredine Brčko distrikta BiH, potvrđujući tako njihovu usmjerenost na ekološki održiv razvoj lokalne zajednice.

Vrijednost ispunjenosti kriterijuma će se bodovati koristeći sljedeću tablicu:

1) Uticao na marginaliz. grupe stanovništva	Aplikant će kroz podršku javnog poziva dodatno zaposliti minimalno 2 osobe ⁴ iz marginalizovanih grupa stanovništva ili je riječ o samozapošljavanju fizičkog lica koje pripada marginalizovanim grupama stanovništva	Aplikant će kroz podršku javnog poziva dodatno zaposliti minimalno 1 osobu ⁵ iz marginalizovanih grupa stanovništva ili je riječ o samozapošljavanju fizičkog lica koje pripada marginalizovanim grupama stanovništva	Aplikant kroz podršku javnog poziva jasno obrazlaže potencijal da može doprinjeti dodatnom zapošljavanju osoba iz marginalizovanih grupa stanovništva (<i>dodatni bodovi</i>)	Aplikant se nalazi na evidenciji Zavoda za zapošljavanje kao dugoročno nezaposlena osoba (<i>dodatni bodovi</i>)
	40 bodova	20 bodova	10 bodova	10 bodova
Maksimalan mogući broj bodova za kriterijum 1:				60 bodova
2) Usklađenost djelatnosti ili poslovne ideje sa prioritetima i mjerama iz Strategije razvoja Brčko distrikta BiH ili druge usvojene sektorske strategije na nivou Brčko distrikta BiH	Djelatnost ili poslovna ideja jasno doprinosi realizaciji dvije ili više mjera iz Strategije razvoja Brčko distrikta BiH ili druge usvojene sektorske strategije na nivou Brčko distrikta BiH	Djelatnost ili poslovna ideja doprinosi realizaciji jedne mjere iz Strategije razvoja Brčko distrikta BiH ili druge usvojene sektorske strategije na nivou Brčko distrikta BiH	Djelatnost ili poslovna ideja može potencijalno doprinijeti realizaciji nekih od prioriteta i mjera iz Strategije razvoja Brčko distrikta BiH ili druge usvojene sektorske strategije na nivou Brčko distrikta BiH	Djelatnost ili poslovna ideja je jasno zasnovana na više Strategija na nivou Brčko distrikta BiH i/ili BiH (<i>dodatni bodovi</i>)
	15 bodova	10 bodova	5 bodova	5 bodova
Maksimalan mogući broj bodova za kriterijum 2:				20 bodova

⁴ Ukoliko aplikant bude odabran, biće mu ponuđen Ugovor o dodjeli granta u kojem će biti predviđeno da u roku od 30 dana izvrši predviđeno zapošljavanje. Obaveza je aplikanta da zaposlenu osobu/e zadrži u radnom odnosu minimalno za vrijeme trajanja Ugovora o dodjeli granta. U slučaju neispunjenja ove ugovorne obaveze, korisnik je dužan da izvrši povrat dodijeljenih sredstava.

⁵ Isto.

3) Dodatni društveni kriterijum	Aplikant je osoba sa invaliditetom ⁶ ili osoba sa poteškoćama u razvoju ⁷	Aplikant je mlada osoba ⁸ ili žena (<i>dodatni bodovi</i>)	Aplikant pripada romskoj nacionalnoj manjini ili kategoriji teško zapošljivih lica prema definiciji Zavoda za zapošljavanje Brčko distrikta BiH (<i>dodatni bodovi</i>)	Aplikant (vlasnik sa registrovanim biznisom), najkasnije na dan objave Javnog poziva, u radnom odnosu zapošljava osobu sa invaliditetom ili osobu sa poteškoćama u razvoju (<i>dodatni bodovi</i>)
	30 bodova	15 bodova	10 bodova	15 bodova
Maksimalan mogući broj bodova za kriterijum 3:				70 bodova
4) Ekološki kriterijum⁹	Djelatnost ili poslovna ideja značajno doprinosi zaštiti životne sredine kroz primjenu inovativnih rješenja, cirkularne ekonomije ili jasno definisanog principa održivog korištenja resursa	Djelatnost ili poslovna ideja djelomično doprinosi zaštiti životne sredine i sadrži elemente inovativnosti ili primjene principa cirkularne ekonomije	Djelatnost ili poslovna ideja može se prilagoditi tako da doprinosi zaštiti životne sredine, sa mogućnošću integracije principa cirkularne ekonomije ili drugih inovativnih ekoloških rješenja	Djelatnost ili poslovna ideja se jasno referiše na Strategiju zaštite životne sredine Brčko distrikta BiH (<i>dodatni bodovi</i>)
	15 bodova	10 bodova	5 bodova	5 bodova
Maksimalan mogući broj bodova za kriterijum 4:				20 bodova
UKUPNO BODOVA (kriterijumi 1+2+3+4):				170 bodova

Maksimalan broj bodova koje potencijalni korisnik granta može osvojiti iznosi 170 bodova.

⁶ Prema entitetskim zakonima koji tretiraju materiju profesionalne rehabilitacije, osposobljavanja i zapošljavanja osoba s invaliditetom, u kontekstu ovog Javnog poziva, osoba s invaliditetom je osoba kod koje je utvrđen određeni stepen tjelesnog oštećenja ili trajnog oštećenja organizma, što rezultuje smanjenjem radne sposobnosti i mogućnosti za uključivanje u društvo.

⁷ Ovaj termin se odnosi na osobe kod kojih su prisutna dugotrajna oštećenja, bilo fizička, mentalna, intelektualna ili senzorna, koja mogu ometati njihovo puno i efektivno učešće u društvu na ravnopravnoj osnovi s drugima.

⁸ Prema Zakonu o mladima Brčko distrikta BiH, "mladi" su osobe uzrasta od 15 do 30 godina.

⁹ Tehnologije koje su ekološki štetne i neprihvatljive ne mogu biti zastupljene.

NAČIN ODABIRA I DODJELE SREDSTAVA

CARE zajedno sa projektnim partnerom RGFBD će imenovati Komisiju za odabir pripravnika, koju čini 5 članova. Nakon zatvaranja Javnog poziva Komisija, u skladu sa gore navedenim i objavljenim kriterijumima, pristupa provjeri dostavljene dokumentacije i rangiranju aplikacija.

Članovi Komisije potpisuju Izjavu o nepostojanju sukoba interesa i nepristrasnosti prije pristupanja razmatranju prijava. U slučaju postojanja sukoba interesa, po saznanju, bodovanje vrši zamjenski član Komisije koji će biti odabran iz reda zaposlenika na projektu SEI.

Izbor korisnika se vrši na osnovu podnesene aplikacije putem Obrazca za prijavu u roku propisanom ovim Javnim pozivom.

Članovi Komisije nastoje donijeti odluku konsenzusom, odnosno usaglašenim stavom o bodovima koji će se dodijeliti pojedinom aplikantu za svaki pojedinačni kriterij. Jednoglaska odluka osigurava objektivnost i jednakost u postupku ocjenjivanja aplikacija. Ukoliko članovi Komisije imaju različite procjene prilikom bodovanja pojedinog aplikanta, pristupa se formiranju ocjene na način da se za dati kriterij uzima srednja vrijednost bodova.

Ukoliko više aplikacija nakon bodovanja ima isti broj bodova, prednost ima onaj aplikant koji pripada u više marginalizovanih grupa. Ako su aplikanti izjednačeni po prethodnom pravilu, prednost će imati aplikant koji se vremenski duže nalazi na aktivnoj evidenciji Zavoda za zapošljavanje Brčko distrikta BiH. U slučaju da i nakon primjene ovog pravila aplikanti imaju isti broj bodova, prednost će se dati aplikantu koji je prije podnio aplikaciju.

Ukoliko odabrani aplikant sa rang liste dostavi dokumentaciju koja ne odgovara izjavama u Prijavi na ovaj Javni poziv, te ukoliko odabrani aplikant odustane od podnesene prijave iz bilo kojeg razloga, sredstva će biti dodijeljena sljedeće rangiranom aplikantu, prema redoslijedu na rang listi.

UGOVOR SA ODABRANIM KORISNICIMA GRANTA

Nakon objavljivanja konačne rang liste, Komisija pristupa kontaktiranju odabranih korisnika koji su obavezni da pohađaju trening za izradu poslovnog plana u svrhu definisanja potreba svakog korisnika. Korisnici Javnog poziva iz 2024. godine nisu u obavezi da pohađaju trening za izradu poslovnog plana.

Od odabranih aplikacija se očekuje da u svojim poslovnim planovima detaljno definišu sve radnje koje će voditi ka ostvarenju planiranih poslovnih ciljeva, a naročito u pogledu realizacije predmeta podrške koja se ostvaruje kroz ovaj Javni poziv.

U slučaju da aplikant ne pohađa minimalno 80% treninga za izradu poslovnog plana ili isti ne podnese u roku definisanim tokom treninga, biće odabran naredni aplikant za dodjelu granta sa rang liste.

PODNOŠENJE PRIJAVA ZA UČEŠĆE U JAVNOM POZIVU

Za apliciranje na Javni poziv potrebno je u elektronskoj formi popuniti Obrazac A - prijava na Javni poziv koja je sastavni dio ovog Javnog poziva i priložiti:

Aplikanti - pravna lica:

- Rješenje o registraciji;
- Kopiju Ugovora o radu za vlasnika;
- Ukoliko zapošljava osobe iz marginalizovanih grupa - kopiju Ugovora o radu za ove osobe;
- Ukoliko je relevantno, dokumentaciju kojom aplikant dokazuje svoju pripadnost ili pripadnost zaposlenih osoba, određenoj marginalizovanoj grupi;
- Dodatnu dokumentaciju kojom se dokazuju navodi iz prijave.

Aplikanti - fizička lica:

- Kopiju lične karte;
- Uvjerenje o prebivalištu;
- Za aplikante koji se nalaze na evidenciji Zavoda za zapošljavanje Brčko distrikta BiH - Potvrdu Zavoda da se aplikant nalazi na aktivnoj evidenciji nezaposlenih;
- Ukoliko je relevantno, dokumentaciju kojom aplikant dokazuje pripadnost određenoj marginalizovanoj grupi;
- Dodatnu dokumentaciju kojom se dokazuju navodi iz prijave.

Prijavu je moguće dostaviti na jedan od sljedećih načina:

1. **Lično**, u prostorije SEI Centra:
Adresa: M. Malića i I. Džindića br. 4, 76100 Brčko distrikt BiH
Radno vrijeme: od 7:30 do 15:30h
2. **Poštom**, na adresu:
SEI Centar
M. Malića i I. Džindića br. 4
76100 Brčko
Sa naznakom: "Prijava na Javni poziv za podršku zapošljavanju, samozapošljavanju i razvoju start-up preduzeća (finansijska podrška)"

3. Elektronski (e-mail):

Popunjen i potpisan obrazac prijave sa pratećom dokumentacijom, sve jasno skenirano, poslati na:

info@seibrcko.ba

**Prijave moraju biti dostavljene najkasnije do
5. maja 2025. godine do 15.30h.**

Prijave podnesene nakon isteka roka neće biti uzete u razmatranje. Dopunu prijava je moguće izvršiti najkasnije do okončanja Javnog poziva.

Ukoliko postoje bilo koje nejasnoće, Vaše upite možete poslati najkasnije 5 dana do zatvaranja Javnog poziva isključivo putem e-mail adrese info@seibrcko.ba. Odgovori na sva pitanja biće javno obavljeni na web stranici <https://seibrcko.ba/> najkasnije 3 dana prije zatvaranja Javnog poziva.

VREMENSKI OKVIR REALIZACIJE JAVNOG POZIVA

Aktivnost	Datum realizacije
Objavljivanje javnog poziva	17.4.2025
Rok za podnošenje prijava	5.5.2025. do 15:30h
Evalvacija i objava preliminarne rang liste aplikanata	9.5.2025.
Rok za podnošenje žalbi na preliminarnu rang listu	od 9. do 13.5.2025.
Objava konačne rang liste aplikanata	14.5.2025.
Obuka za pisanje poslovnih planova za odabrane aplikante	od 15. do 20.5.2025.
Rok za predaju poslovnih planova donatoru	27.5.2025. do 15:30h
Potpisivanje ugovora s korisnicima	29.5.2025.

Napomene:

- SEI zadržava pravo izmjene navedenih rokova uz prethodno obavještenje svim aplikantima.
- Realizacija ovog Javnog poziva uslovljena je konačnim odobrenjem projekta i raspoloživosti finansijskih sredstava od strane donatora i implementatora.